



Damondas da baghegiar

Nr. 130/2022

Datum da publicaziun: 11-11-2022
Patrun: Niederberger Kaspar, 7172 Rabius
Representant: Sossai SA, 7166 Trun
Liug e parcella: Rabius-Cavivens; 277
Object: nova pompa da calira

Nr. 131/2022

Datum da publicaziun: 11-11-2022
Patrun: Tuor Leo e Christina, 7173 Surrein
Liug e parcella: Surrein-Val; 3778
Object: pompa termica cun sonda geotermica

Nr. 134/2022

Datum da publicaziun: 11-11-2022
Patrun: Decurtins Remo, 7176 Cumpadials
Liug e parcella: Cumpadials-Via Foppa; 3000
Object: engrondir annexa dalla casa

Nr. 135/2022

Datum da publicaziun: 11-11-2022
Patrun: Catoja Brigitte e Nelson, 8197 Rafz
Representant: Atelier Schmidt GmbH, 7166 Trun
Liug e parcella: Rabius-Via Fravia; 5218
Object: construcziun d'ina casa d'ina famiglia

Nr. 136/2022

Datum da publicaziun: 11-11-2022
Patrun: Pleuler Frank, 8055 Turitg
Representant: Galli + Siegenthaler AG, 4563 Gerlafingen
Liug e parcella: Rabius-Via la Foppa; 38
Object: construcziun d'ina casa d'ina famiglia

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da
baghegiar Sumvitg enteifer 20 dis dapi il datum da publicaziun.

Sumvitg, 11-11-2022

Cumissiun da baghegiar

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 124/2022

Maissen Curdin ed Ursula, 7172 Rabius; lavurs da manteniment vid il tetg dil baghetg nr. 480 sin parcella nr. 43 a Rabius-Chistrisch.

Nr. 125/2022

Tuor Carli, 7172 Rabius; remplazzar la porta dil baghetg nr. 415A sin parcella nr. 461 a Rabius-Marias Sut.

Nr. 126/2022

Schlatter Ernst, 8907 Wettswil; remplazzar finiastras dil baghetg nr. 211A sin parcella nr. 4106 a Sumvitg-Plaun da Crusch.

Nr. 127/2022

Meyer Katharina, 8200 Schaffusa; slargiar e megliurar via d'access sin parcella nr. 4220 a Sumvitg-Tscheps Su.

Nr. 128/2022

Schmidt Marcus, 7174 S. Benedetg; prender ora crappa dallas parcelas nr. 6099, 6116, 6131, 6132, 6133 a Sumvitg-S. Benedetg.

Nr. 129/2022

Fry Ignaz, 7172 Rabius; preit da schurmetg encunter la neiv sin parcella nr. 108 a Rabius-Caduff.

Sumvitg, 11-11-2022

Cumissiu da baghegiar

Votaziuns cantunales dils 27-11-2022

L'urna ei aviarta (en canzlia communal)

gievgia e venderdis mintgamai duront las uras da spurtegl dumengia, ils 27-11-2022, dallas 10.00 – 11.00 uras

Sonda e dumengia, ils 26 e 27 da november 2022 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 11-11-2022

Biro electoral

Orientaziun pertuccont revisiun dalla planisaziun locala

Gia dapi entgins onns sefatschenta la suprastonza communal cun la revisiun dalla planisaziun locala. Las lavurs preparatoricas van uss ella fasa finala. Entochen la fin mars 2023 sto la suprastonza communal inoltrar agl uffeci cantunal ina proposta per la revisiun dalla planisaziun locala respectivamein definir tgei parcelas che dueien star vinavon en ina zona da baghegiar e tgeininas che dueien vegnir exzonadas. Da questa revisiun parziala ein convischinas e convischins sco era possessuras e possessurs da terren da baghegiar d'ordeifer pertuccai. El decuors dalla stad ein proprietaris da terren da baghegiar vegni envidai da prender part ad ina retscherca cun la quala la suprastonza communal ha vuliu intervegnir ils plans per las parcelas en zona da baghegiar. A caschun d'ina sera d'orientaziun vul la suprastonza communal presentar ina survesta dils resultats dalla retscherca. Plinavon eis ei per la suprastonza communal impurtont da saver informar davart la procedura che spetga nossa vischnaunca e tedlar ils meinis dallas convischinas e dils convischins sco era dils possessurs da terren da baghegiar.

L'orientaziun ha liug sonda, ils 12 da november 2022 allas 16.00 uras en sala dalla casa da scola Surrein.

La suprastonza communal envida convischinas, convischins, possessuras e possessurs da terren da baghegiar cordialmein all'orientaziun e selegra sin bunas discussiuns.

Sumvitg, 11-11-2022

Suprastonza communal

Preavis

Sentupada cun Cusseglie nazional Martin Candinas

Gliendisdis, ils 28 da november 2022 stat sin gliesta da tractandas dallas Combras federalas l'elecziun da Martin Candinas sco president dil Cusseglie nazional.

Sonda, ils 3 da december 2022 ha liug a Rabius ina sentupada cun Cusseglie nazional Martin Candinas. La sentupada entscheiva allas 13.00 uras cun in til festiv naven dalla staziun da Rabius entochen la casa da scola da Rabius. Silsunter han liug diversas producciuns da chors e dalla Societad da musica Surrein-Rabius. Plinavon offerescha la vischnaunca in aperitiv.

La suprastonza communal envida vischinas e vischins sco era hosps interessai alla sentupada cun nies Cusseglie nazional Martin Candinas.

Sumvitg, 11-11-2022

Suprastonza communal

Serrada via Alp Glivers

Muort la raccolta da lenna ei la Via Glivers serrada naven dalla cruschada dalla via veglia (Foppa Liunga). Serrau eis ei naven da **gliendisdis, ils 14-11-2022 entochen prevententamein venderdis, ils 02-12-2022**. Las fin d'jamnas resta la via medemamein serrada.

Nus engraziein per Vossa capientscha. Per ulteriuras damondas supplichein nus da contactar nies selvicultur Beat Cadruvi (tel. 079 681 19 67).

Sumvitg, 11-11-2022

Departament forestal

Uffeci civil Surselva

Mortori

Degonda-Alig Maria Catrina, naschida ils 03-12-1938, morta ils 05-11-2022, stada sesenta a Surrein.

Sumvitg, 11-11-2022

Controlla da habitonts

Corp da pumpiers Sumvitg/Trun

Incorporaziun 2022

Umens e dunnas naven dall'annada 2001 ch'enquoran in'activitad interessanta e varionta ed ina buna collegialitad, san prestar survetsch activ da pumpiers e s'annunziar a scret entochen ils 11-11-2022 tier il cumandant Roger Keller (dodge_rk@hotmail.com). La sera d'informaziun ha liug ils 7 da december allas 19.30 el local a Trun. Ulteriuras persunas tenor indicaziun dallas administraziuns communalas vegnan contactadas directamein a scret.

Sumvitg, 11-11-2022

Pumpiers Sumvitg/Trun

Donaziun fundaziun Greina

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen **ils 30 da november 2022** digl onn precedent cul formular corrispudent tier l'administraziun communal. Nus supplichein per notizia da quest avis.

Sumvitg, 11-11-2022

Cumissiun Greina

Societad da tir Vial Sumvitg

Lotto a Sumvitg

La Societad da tir Vial Sumvitg beneventa Vus puspei a siu tradiziunal lotto la dumengia suentermiezdi allas 14.00, e quei **ils 13-11-2022** en sala da scola a Sumvitg. Ei spetga sin Vus sco adina fetg bials e buns premis. Nus selegrein gia sin Vossa viseta.

Cordialmein envida la

Societad da tir Vial Sumvitg

Societad da tir voluntaria Trun

Cuors da sittar cun buis d'aria cumprimida

Sche ti has plascher da s'entupar ina sera per jamna ed emprender da sittar e star da cumpignia, neu tier nus. Tgi? Annada 2013 e pli vegls

Nua? stan da sittar Trun/Pustget

Cu? **20-11-2022**

Uras? 18.30

Annunzias prendel bugen encunter **entochen ils 13-11-2022**, Baseli Tomaschett, 081 943 33 43 / 079 336 86 56.

Jeu selegrel sin massa annunzias.

Uniun da dunnas – Vinavon

Radunonza da fundaziun ils **18 da november 2022** ella aula dalla scola a Sumvitg. Naven dallas 19.30 apero e ca. allas 20.15 entscheiva la radunonza da fundaziun. Vinavon, dunnas da dalunsch e maneivel! Tschà curascha!

Cordialmein envidala

la grupp d'interess

Uniun da cultura e sport Cumpadials

Orientaziun e radunonza generala, sonda, ils 19-11- 2022, allas 18.30 orientescha la suprastonza dall'Uniun da cultura e sport Cumpadials davart ils resultats dalla retscherca pertuccont l'uniun ed il vischinadi. L'orientaziun ha liug en sala dalla casa da scola a Cumpadials. La suprastonza envida a caschun da quell'orientaziun tuttas persunas interessadas. Allas 19.00 ha liug la radunonza generala. Suenter radunonza offerescha l'uniun in pign pushegn.

Tractandas:

1. Beinvegni ed appel
2. Elecziun da dumbravuschs
3. Recepziun da commembers novs ed abdicaziuns
4. Approbaziun dil protocol dalla davosa radunonza
5. Rendaquen e rapport dils revisurs
6. Rapport dalla presidenta
7. Elecziuns e reelecziuns
8. Tractaziun dall'organisaziun futura dall'uniun ed
 1. elecziun d'ina grupp da lavur
 9. Program da lavur
 10. Orientaziuns
 11. Varia

La suprastonza selegra sin ina stedia participaziun.

Suprastonza Uniun da cultura e sport Cumpadials